

O LE SULU SAMOA



EKALESIA FAAPOTOPOTOGA KERISIANO SAMOA
O LE NUSIPEPA FAA-LE-LOTU NA FAAVAEINA I LE T.A. 1839



FAAVAEINA 1839

O LE SULU SAMOA

FEPUARI 2020

email: sulusamoa@cccs.org.ws -Main Office: Ph. 24414, Ext 30 - website: www.cccs.org.ws

FAAPA'IA MAOTA GALUEGA EFKS SINAMOGA



(Mataia Apisaloma TT, Tuiloma Leleua F. Gae'e AF, Kaleve Leifi FTP, Tunumoso S Iosia FT, Larry Tofaeono FS)

OSIGA FEAGAIGA EFKS SALESATELE



(Tauaaga Mataafa FT, Mereseleisa Palala, Steven Palala AM, Malo Afi'a FS, Lisa Afi'a, Logopati Mataafa FM)

FAASINO UPU

1.	FAASINO UPU	2		
2.	LAUGA	2	-	4
3.	TUSI MO LE SUEGA I MALUA 2020	4		
4.	OSIGA FEAGAIGA, EFKS SALESATELE	5		
5.	MAOTA GALUEGA, EFKS SINAMOGA	6		
6.	O LE SULU I O'U VAE	7		
7.	E LE NA O MEA'AI, AE NA O AFIOGA	8	-	9
8.	ITULAU MO TUPULAGA	10	-	11
9.	TALAGALUEGA OFISA O A'OGA	12	-	15
10.	O E UAFAI I LAGILE FOLAUGA: 1. SUSANA MAUALAIVAO	16		

O LE LAUGA

O le lauga i le suafa mamalu o le Atua le Tama, le Alo ma le Agaga Paia. Amene.

Matua :- Iosua 1 : 2, *“Ua oti Mose la’u auauna, o lenei foi ina e tulai atu ia, ia sopoia atu Ioritana lena, o oe atoa ma lenei nuu uma, e o i le nuu ua ou foaina atu ai ia te i latou, o le fanauga a Isaraelu lava.”*

Manatu Autu :- ***Mafaufau loloto i le afioga a le Atua.***

(Meditate on God’s word).

O le mafaufau loloto i le afioga a le Atua, o le matuā faalologo i le fetalai mai o le Atua. Ia faatāua ma amanaia. Manatunatu loloto i ai i taimi uma. Naunau i ai, ‘aua

nei te’a ese ma lou loto. Ma ia usitai i le afioga a le Atua. Ia faatino tau o le afioga a le Atua ua fetalai mai ai le Atua, ae ‘aua nei faaopopo i ai se manatu o le tagata.

‘Aua nei faasesēina le tagata e pei o le fiapoto o le tupu o Saulo. Na oo i ai le afioga a le Atua e alu e faaumatia le nuu o Amaleka ma mea uma o i ai. Ae alu atu Saulo faasao le tupu o Amaleka, faasao ma manu pepeti uma fai mai e fai ai lana taulaga i le Atua. Ae lē o le afioga lea a le Atua.

Fai mai Samuelu ia Saulo, *“Aiseā ua e faia ai lea mea leaga i luma o le Alii? E sili le faalogo i le taulaga, e sili foi le usitai i le ga’o o le mamoe po’a. Ua e*

lafoai i le afioga a le Atua. O lea ua lafoai foi le Alii ia te oe.”

O lona uiga, e tatau ona matuā mafaufau loloto Iosua i le afioga a le Atua. Fai mai le afioga a le Atua ia Iosua, *“Ua oti Mose la’u auauna, o lenei foi ina e tulai atu ia, ia sopoia atu Ioritana lena, o oe atoa ma lenei nuu uma, e o i le nuu ua ou foaina atu ai ia te i latou, o le fanauga a Isaraelu lava.”* O le auivi lea o le afioga a le Atua ia Iosua, ia tulai Iosua e taitai le nuu o Isaraelu e sopoia le vai o Ioritana ma faataunuu i Kanana. Ua fetalai foi le Atua, o mea uma e solia e o outou alofivae, ou te foai atu ia te outou. Mai le vao o Lepanona seia oo atu i le vaitafe o Eufirate, a’o le lautele mai le sami tele e oo atu i le mea e goto ai le la.

E lē faigofie le afioga a le Atua ia Iosua, o se galuega mamafatū. Aua

O LE LAUGA

e lē o tuufua nuu o Kanana. O loo nofoia e toa malolosi. E tau le taua. O lea foi na iloa ai le fanau a le tagata e igoa ia Anaki fai mai e pei ni sau'ai ia tagata le tinoese. A'o lea ua fetalai le Atua, ia e faamalosi, ma ia e matuā loto tele. Ia e anaana e fai e tusa ma le tulafono, 'aua nei alu ese ai i le itu taumatau poo le itu tauaga agavale.

Ia matuā mafaufau loloto Iosua i le afioga a le Atua. Aua nei alu ese ai i le taumatau poo le agavale, ae fai le mea ua faatonu mai e le Atua. Ui a i lea, tusa lava poo le a le faigatā o le afioga a le Atua ia Iosua, a'o lea ua fetalai le Atua, "Aua e te fefe, 'aua e te mata'u, auā o lou Alii lou Atua, o loo ia te oe i mea uma e te alu i ai."

O le a la le mea e toe fefe ai, o lea e auai le Atua? O ai se isi malosi e faasagatau mai i le mana silisiliese o le Atua? Tau lava o le faamalosi ma faamaoni e usitai i le afioga a le Atua, auā ua mautinoa lava le manuia, auā o loo 'au ma le Atua.

O le afioga a le Atua, o folafolaga e mautinoa le taunuu manuia. O le afioga a le Atua, o le faatonuga o loo i ai le taitaiga saogalemū. O le afioga a le Atua, o le auai mai lea o lona mana silisili ese e manumalo ai.

Le Ekalesia e, o le feau lea o le Tala Lelei mo i tatou. Ia tatou mafaufau loloto i le afioga a le Atua ia i tatou. O le a lava lou tofi ua valaauina ai oe e le Atua, ia e matuā mafaufau loloto i ai. Aua nei māmā i lou manatu lou valaauina

mai le Atua. Ia faatāua ma ia naunau i ai lou loto. Ia e tulai, ia e anaana, ia e usitai e faatino le afioga a le Atua ia te oe.

Toatele nisi ua leva ona fetalai i ai le Atua e o mai i le lotu e fa'aogā le ola mo le Atua, ae lē o mai. Ua lagona le valaau a le Atua, ae māmā i o latou manatu. E foliga mai ua leai se taimi o le tagata a ua tele lona pisi i ana pisinisi. O le faamanatu, ia mafaufau loloto i le afioga a le Atua. Leaga e lē faatali le Atua se'i uma lou pisi. A oo a i le taimi a le Atua e pule le Atua. E leai se tagata e mafai na toe salamō i le tuugamau.

Tupulaga, afai ua musumusuina oe e le Agaga o le Atua e te sau i le aufaipese ma le autalavou, mafaufau loloto i ai. 'Aua e te fia poto ma e fai manatu. Ia tu loa i luga ma e sau 'aua e te toe faatali.

Aua nei faasesēina i tatou i le tele o faaososoga i nei aso. Ia manatua e tele mea e fe'ilafi mai ae lē o ni auro uma. O mea e te pa'ū atu ai i le malaia. Fa' aogā sa'o lou malosi e te auauna ai i lou Atua. E oo foi i le mafutaga a tinā, toatele tina o loo faasavili i le laufau mālū, ae la e galulue isi tina. Afai lava e te silafia o oe o le tina ua fai lou toalua, fai lau fanau, o lona uiga o oe o le tina. Faapefea ona e nofononofo o la e galulue isi tina i le mafutaga a tina? Ia e mafaufau loloto i le afioga a le Atua, sau e galue i le mafutaga a tina. 'Aua e te te'ena lou tofi o oe o le tina, auā o lou teena lava lea o le afioga a le Atua.

Ia manatua, ua fetalai le Atua ia e anaana i le afioga a le Atua, aua e te alu ese ai i le itu taumatau poo le itu tauagavale ina ia manuia ai oe i mea uma e te alu i ai. E te manuia pe a usitai i le afioga a le Atua. Ae e te puapuagatia pe a e tete e i le Atua.

Tasi a le mafuaaga ou te iloa ua lē mafaufau loloto ai nisi i le afioga a le Atua, o le fefe. Ua e fefe nei e sau i le lotu ae poo fea e aumai ai le tupe e fai ai mea o le lotu. Ua e fefe nei e sau i le Ekalesia ae poo a tala a tagata o le a fai atu ia te oe. Ua e fefe nei e sau i le aufaipese ae lē toe maua ai lou taimi e te tafao vale ai. Ua e fefe nei e sau i le mafutaga a tina a'o lea e tele tapenaga a tina mo le faamati.

Ua fefefe tagata, leaga ua leotele lava le iuleo lea, ua matitiva tagata ona o le lotu. E lē faamalosi mea a le lotu. E fai lava i le mea ua e loto malie i ai o le mea lelei lea mo lou Atua, o lē foai mai le ola ia te oe i aso uma.

Le au uso e, o le fefe lea na faaloto tele ai le Atua ia Iosua. Na fetalai le Alii ia Iosua, "aua e te fefe, auā o le Alii lou Atua, o loo ia te oe i mea uma e te alu i ai." O folafolaga ia a le Atua e mautinoa lava e taunuu. Ae usitai i le afioga a le Atua, e mautinoa lava lou manuia ai. A e usitai i le afioga a le Atua, e ta'ita'i saogalemu oe e le Atua i ou ala uma. A e mafaufau loloto i le afioga a le Atua, e auai mai lou Atua ia te oe, ma lona malosi uma lava, e te manumālo ai i mea uma na e te fefe ai. E foai e le Atua manuia e sili atu i ou lima.

O Iesu Keriso lo tatou Alii Faaola, o lana mea tausami lea, o le usitai i le afioga a le Atua le Tama. Tiga

O LE LAUGA

le mamafatū o le faamalumalu mai o tiga o le satauro, ae sa lē fefe ai. Auā sa ia te ia le mautinoa o lona manuia. Sa ia te ia le taitaiga a le Atua le Tama.

Sa auai le Atua le Tama ma lona malosī uma lava, sa ia manumalo ai i le oti ma le tuugamau. Sa ia mafaufau loloto i le finagalo o le Atua le Tama, na a'e malo ai ona faiva. Ua maua ai lo tatou faamoemoe i le ola e faavavau. Tatou te manumalo foi, pe afai e tia i lou fefe, ae e mafaufau loloto ma le faatuatua i le afioga a le Atua ia te oe.

Ia i le Atua potō le viiga uma lava. Amene.

Saunia Susuga Siasī Mataia (FS)
EFKS Vailoa -tai



Tusi ole Suega Malua 2020

**Mo i latou o fia su'e i le
suega ulufale mo le
Kolisi Faafaifeau i
Malua, o Tusi nei mo lo
outou silafia.**

**Feagaiga Tuai:
TANIELU**

**Feagaiga Fou:
FA'AALIGA**

**Ia manuia tapenaga mo lenei
faamoemoe lelei.**

O LE ASIASIGA

Na asiasi le faifeau ui ane i le falesā, I le tasi aso a o tau gagaifo le la; Ona afe ane lea atonu o loo iina, Se isi o tatalo i lea itulā.

Na te'i i le matala o le faitotoa i tua, Ae savali mai i totonu se tamā matua; Na pūiti mata o le faifeau ae māfua, E lē selea lana soesā o le ulu e ve'uve'ua.

E masaesae ma tuai nai ona laei, Lona peleue e ma'anumi tele; Na tootuli ifo i tafatafa o le pulelaa, Ona toe tu lea i luga ma savali ese.

O aso na soso'o mulimuli ane, I malologa o galuega i le 12, E sau ma tootuli mo sina taimi puupuu, Ma le ipu mafolafola mo le taliga o lana sua.

Ua tupu tele le masalo o le faifeau Mata o se gaoiga lea e tau fuafua; Ona taofi lea ma fesiligia le tamā matua, "O le a lau na i le fale o le Atua?"

Na tali le tamā, "O a'u e galue i le aai, O le taimi mālōlō e 30 minute ia; O lo'u lea avanoa e fai ai la'u tatalo, E saili ai le malosī ou te mana'omia.

E mamao lo'u fale faigaluega, O lo'u taimi i le malumalu e pu'upu'u; Ou te tootuli ma talanoa ai i le Alii, A fai la'u tatalo o a'u nei upu:

**"UA OU SAU E TA'U ATU
LE ALI'E, LE FIAFIA
TELE O LO'U AGAGA,
ONA O LENEI MASANIGA
MAFANA; MA UA E
AVE'ESE A'U AGASALA.**

**OU TE LĒ ILOA TATALO
PEI O ISI TAGATA,
AE OU TE MAFAUFAU IA
OE I ASO UMA LAVA.
O LE MEA LEA IESU, O
SIMI LENEI,
UA ASIASI ATU AE LEI
MĀNAVA."**

O le faifeau ua mea pei e valea, Ua fai atu, "Simi, o lena e lelei; E talia fiafia oe i soo se taimi, E te sau ai e fai lau tatalo iinei."

Sa ata Simi, "Faafetai, o le a ou alu", Ma faanatinati i le isi faitotoa o i tua; A o le faifeau lenei ua tootuli mālie ifo, O se mea fou na te le'i faia muamua anamua!

Ua liu suavai le loto i le alofa, Ina ua faafuase'i ona maua se feiloa'iga; A o tafe ifo loimata o lona fatu ua lavea, Ua na faaitaitai i le tatalo a le toaina:

**"UA TELE LE FIAFIA O
LO'U AGAGA, TALU ONA
AVEA OE MA'U PAAGA,
MA UA E AVEESE LA'U
AGASALA;
OU TE LĒ ILOA TATALO
PEI O ISI TAGATA,
AE MAFAUFAU IA OE I
ASO UMA LAVA;
O LE MEA LEA IESU, O
LAU FAIFEAU LENEI,
UA ASIASI ATU MA LE
LOTO UA GALALA."**

O le tasi aso na maitauina e le faifeau,

O Simi o le a po lava le aso e lei sau;

Ua mavae foi aso e tele ua lē oo mai lava Simi,

Ona tupu lea o le popole i lona mafaufau.

(fa'aauau itulau 5)

OSIGA FEAGAIGA EFKS SALESATELE, FALEALILI.

O le itula 1.00pm o le Aso Toona'i 29 Fepuari 2020, na faataunuu ai le sauniga o le Osiga Feagaiga a le EFKS Salesatele ma lo latou Faifeau le susuga Steven Palala ma le Faletua o Mereseleisa. O le susuga Tunumoso Soliola Iosia FT, le Toeaina o le Pulega Falealili sa ia ta'ita'i le sauniga, osi le feagaiga ma fai le tatalo. O le susuga Faaletaua Faaea FS (EFKS Malaemalu) na faitauina le Tusi Paia – F. Tuai: Teu. 30:15-20, F.Fou: Ioa.17: 20-23. O ia foi na saunia le Lauga e tomatauina ai le Faifeau ma le Faletua i le galuega a feagai ai, faapea le Ekalesia i la latou foi pito laau ua valaauina ai i le tausiga o le auauna a le Atua.

O le afioga i le Tiakono ia Leleimalefaga Tioata Leota sa fai ma sui o le Aulotu e molimau i la latou faiga filifiliga, lea sa faamoemoe i le ta'ita'iga a le Agaga o le Atua e faasino mai lo latou tofi. Na ia ta'ua faapea, o le susuga Steven ma le Faletua na tofia e le Toeaina la te tausia le galuega, ina ua tatala le feagaiga ma le faifeau talu ai o Pu'a Aumua ona ua gasegase. O le tasi lea itu sa fesoasoani e faigofie ai ona maua la tatou faai'uga. Sa molimau foi le susuga Steven Palala i la la'ua filifiliga e talia le valaau, e tusa ma le fesoasoani mai o le Atua. Ona valaauina lea o le afioga Leleimalefaga Leota faatasi ma le afioga i le Sui Ao, le Sui o le Fono a Sui Tofia, susuga Tapusatele Tuietufuga LeMamea Ropati Mualia, la te faatalofa i le faifeau ma le faletua e faamaonia ma faamausalī le faautaga mamao ma

le faatofalaiga paia a le Ekalesia ma le afioga o Salesatele, i le Susū o Tapusatele ma ona Alo, o Alo Leilua ma Afioga, Susū susuga Leota, le mamalu o le Aiga Talimalama ma le Nofoiala.

Na saunoa le afioga Taitaifono Fono Tele EFKS, le susuga i le Taitai o le Sauniga i upu faamalosi mo le faifeau ma le faletua faapea le Ekalesia, i le galulue faatasi e manuia ai le galuega mo le viiga o Lē ana le feau. Ona valaauina lea o i latou nei e fai ma sui o le Ekalesia ma le Malo e faafeiloa'i ma faamalo i le Faifeau ma lona Faletua: Susuga Iosefa Uilelea FT (Sui Taitaifono Fono Tele EFKS) e fai ma sui o le Ekalesia Aoa; Susuga Kereta Fuafiva FT (EFKS Vaie'e, Pulega Siumu ma Safata) e fai ma sui o le Matagaluega Falealili Safata Siumu; Susuga Logopati Mataafa FM (Sea Ekalesia Metotisi Hawaii) e fai ma sui o Ekalesia Soofaatasi; Tauaaga Mataafa FT (EFKS Ipswich), o le sui o Aulotu i Fafu, ma le afioga Laaulialemalietoa Leuatea Polataivao Schmidt, e fai ma sui o le Malo ma Aiganalua.

Na tauluga le aso i fa'aaloaloga maualuluga faaleaganuu, i tu faatamalii ma aga faatupu sa fai e le Ekalesia mo le paia o le Laulau a le Fono Tele, o susuga Toeaina galulue ma Toeaina Penisione, o le mamalu o le Pulega Falealili ma le Matagaluega Falealii Safata Siumu, ma le aufaigaluega paia a le Atua i itu e fia o le Ekalesia. Faafetai le fa'aaloalo, malo le faaea i le galuega a le Atua. Ona tatala lea o le filialii ma tu'uama le

fua a le aufaigaluega, a o alo le Ekalesia i Salesatele i le fesaga'iga ma le mamalu o aiga na lua e pei o aga masani. Ua lūlū 'a'ao ma pepese fiafia i le faai'uga o galuega o Fepuari 2020, "*Tuu atu le mana atoa ma viiga i le Mesia le Faaola moni...Aleluia! 'Aua le mapu i le faaneenee.*"

O le susuga Steven Palala o se lupe faalele lava a le Matagaluega mai le EFKS Si'uniu a o galulue ai ona tua'ā, susuga Esera Palala ma Elisapeta ua penisione. Na faai'uina lona taumafai i Malua i le 2017, ma faai'opo atu ai i lea lava tausaga i lona faletua o Mereseleisa, o se alo faasino i le susuga Malo Afi'a FS & Lisa (EFKS Aufaga). E valaauina i la'ua o galue Steven i le Ofisa Tutotonu o le Ekalesia i le Ofisa o Fanua ma Fale, a o le faletua i le Malae Vaalele Faleolo. Ia faamanuia tele le Atua, ma ia te la le viiga e faavavau.

OLE ASIASIGA

Na fesiligia lana fale faigaluega, Ma iloa ai o Simi ua faata'otolia. O tausi soifua sa polepole vale, Ae o Simi na faatupu le fiafia.

O aso uma na latou mafuta ai Ua aumaia i le maota ni suiga ogaoga; O ona foliga fiafia ua pipisi atu i isi, Ua avefa ma vailaau o faamalologa.

O le mea e ofo ai le Tausima'i, O le fiafia o Simi e faasoloatoa, Ae leai ni teu fugalaau, alofaaga, Leai ni asiga, o taumafa, tupe poo oloa.

FAAPAIA HALL EFKS SINAMOGA.

O le Aso Toona'i 29 Fepuari 2020 itula 10 i le taeao, na fai ai le sauniga e faapa'ia ai le Maota o le Galuega o le EFKS Sinamoga, o le Pulega Faleata Sasa'e i le Matagaluega Faleata. O le Faletua o Susana Tunumoso Iosia (faletua o le afioga Ta'ita'ifono Fono Tele) na ia 'o'oti le lipine, ona tatala lea o faitoto'a ma ulufale atu ai le mamalu o le auvalaaulia i totonu o le Maota. O le afioga Mataia Apisaloma, o ia le Agaiotupu sa feagai ma le galuega, o ia foi le Tiakono Toeaina o le Matagaluega Faleata, o le sui o le Aulotu sa fai ma Fofoga o le Aso; na ia saunoa e faafeiloa'i le paia maualuga sa potopoto, ona alo ai loa lea i le sauniga lotu e faapa'ia ai le galuega fou.

Na ta'ita'i le sauniga e le Susuga Tavita Anesone FT, o le toeaina lava o le Pulega Faleata Sasa'e, o le Komiti Mataupu Tau le Aufaigaluega o le Matagaluega Faleata, a o le Taitaifono o le Komiti Au Toeaina. O le Salamo 127, "Afa'i e lē atiina a'e e le Alii le fale..." ma le Teuteronomo 30:15-20 (IBRA) "Ua ou tuuina atu i ou luma i le aso nei o le ola ma le manuia..." sa faavae ai le lauga, i upu faalaeiau ma faamafanafana, ae maise o le faamālō ma le faafetai mo le soifua galulue o le Ekalesia, faapea le afioga i le Agaiotupu ma le Falefā o le Aiga Talimalama. Ia fai ma viiga o le Atua lo latou soifua galulue.

Sa faaopoopo foi le Afioga Taitaifono Fono Tele EFKS, Tunumoso Soliola Iosia FT e fai ma sui o le Ekalesia Aoa o e faafetaia le Susuga Faafeagaiga

Larry Tofaeono Williams ma le Ekalesia i Sinamoga i ona tulaga faalupe. Malo faafetai le tautua ma galulue mo le Atua, mo le EFKS, mo le Aulotu foi lava ia, e oo i ona auga tupulaga fai mai, o le a latou fa'aaogaina le maota. Faafetai foi le fai taulaga i soo se auala (pei o le taulaga faapitoa mo le faama'i Misela). Ona ia tau'a'ao lea o le meaalofo a le Ekalesia Aoa o tusa ma ana i'ugafono, mo galuega fai a Aulotu e \$10,000.

O le afioga Tuiloma Leleua F Gae'e AF, o le teuoloa a le EFKS Sinamoga sa saunoa i le Tala o le Galuega. Sa amata fuafua mai ina ua manatu ua tuai ma ua laitiiti le Maota muamua sa i ai. O le fua o le Maota e 140' x 50'. O lona tau aofa'i e \$516,676; o oloa e \$350,000, o le tau o le konekarate na fausia e \$130,000, ma isi tupe fa'aalu i le ata, pemita, laisene, eliina o le fanua, maa o le fola, mōli, ma isi e \$36,676. O le faatupeina o le galuega e mai le nogatupe NPF \$300,000 ma sailigatupe a le Aulotu e \$216,116. Na maua foi fesoasoani mai nisi e pei o le Ott Transport ma le alii Loia.

Na uma le asiasiga ma maimoaga i le matagofie o le maota, ona alo ane lea mo le taliga o le vai mālū o le taeao na saunia e le Ekalesia mo le mamalu o e na auai ai - o le Afioga Taitaifono Fono Tele & Faletua, afioga Taitaifono Komiti Au Toeaina, Susuga Toeaina Faauuga Mata'utia & Faletua ia Maima (Pulega Faleata Sisifo), Toeaina Penisione Tavita Roma, Faafeagaiga o le Pulega ma Faletua, Tama Fanau a le Ekalesia Sinamoga ma le mamalu o le au valaaulia.

Mulimuli ane ona fai lea o le taumafataga tele, ma taualuga ai i fa'aalologa maualuluga faaleaganuu e masani ai i aso faapenei, sa faliu ma fa'afaō i ai aao o le le paia o le EFKS Sinamoga, le susuga Larry Tofaeono ma Semurana, Afioga Tiakono Toeaina Mataia Apisaloma, Toeaina Penisione Kaleve Leifi & Faletua, susuga A'oa'o Fesoasoani, alii ma tamaita'i Tiakono, le Mafutaga Tina ma le mamalu o le Ekalesia. "Lo ta nuu na ou fanau ai, ua lelei oe i le vasa..."



O LE ASIASIGA

Na se'ese'e atu le faifeau i lona moega, Ma faaleo le popolega o le Tausi Soifua, Pe i ai sona aiga, ni uo ma sē la te masani; A o se fanau, ae maise o ai sona toalua?

Ua faate'ia Simi, ona ia tali atu lea, Ma ona foliga o loo ataata fialia pea, "E sesē le tamaitai, na te lē o silafia, Le mea o tupu, ua aunoa ai so'u mafatia.

A oo i le aoauli e asiasi mai la'u uo ua sili, Lē ua alofa moni, nai lo lo'u aiga, poo ai nisi; E nofo mai i o'u autafa, tago mai i lo'u lima, E punou ifo ma musumusu mai i lo'u taliga:

(fa'auma itulau 7)

O LE SULU I O'U VAE

O fuafuaga a le Atua ia toe faaleleia oe. (God's recovery plan for your ADDICTION)

"Tuliloa ia, auā e te maua atu ai lava, ma e maua mai mea uma."
1 Samu.30:8.

Ua folafola mai e le Afioga a le Atua, o le a lava le mana'oga o loo faapologaina ma saisaitia oe i nei aso (addiction), e mafai ona toe faasa'olotoina mai ai oe. E lē gata i lena, ae mafai foi ona e toe maua mai mea na leiloa, pe toe maua mai foi nisi manuia e sili atu. E faapefea ona fai? Pe afai e te faia e pei ona fai e Tavita, ina ua osofia e Amaleka lona aiga sa i Sekeleka:

- (1) Na ia liliu ma faasaga atu i le Atua mo le malosi e faafetaia'i ai le faalavelave.

"Ua faamalosi Tavita lona loto i le Alii lona Atua." 1 Samu.30:6. Pe ana e mafai ona e fofō le faafitauli na o oe, po ua leva ona uma ona fai. Peita'i e leai. Ia 'aua le manatu e leaga lea mea, ae ia faalaulelei lou finagalo. O le ta'utino o le vaivai e lē mafaia se mea, o le laasaga muamua lena i le manumalo. *"O lo'u nei alofa tunoa e lava lea e fesoasoani ia te oe; auā o le vaivai e fa'aatoaina ai lo'u mana."* 2 Kori.12:9. O le tautino o le vaivai, e lē tutusa ma le faavaivai poo le leai o se faamoemoe. Ae o lona uiga ua e tautino e te lē mafaia, ae mafai e le Atua, ma na te faia pe afai e te lafoai atu ia te Ia. *"Ou te mafaia mea uma lava ona o ia ua faamalosi mai ia te a'u."* (Fili.4:13).

- (2) Na tuu e le Atua le fuafuaga ia Tavita e faafetaia'i ai le faalavelave. *"Tuliloa ia, auā e te maua atu ai lava, ma e maua mai mea uma."*

Ua fa'aaupegaina Tavita i le malosi mai le Atua ma le fuafuaga mai ia te Ia, ona ia tulituiloa lea o le fili se'ia oo ina toe maua uma mai o mea na faoa ma leiloa o lona aiga. E finagalo le Atua ia fai faapea mo oe ma a'u. Ua Ia folafola mai, *"Ou te tau ai te outou o tausaga na 'aina e sē."* Ioe.2:25. Pe afai tatou te liliu i le Atua, na te aumaia mo i tatou le fiafia o manuia ma manumalo i tausaga o i luma, e sili atu ona tele nai lo ia na maua i tausaga ua tuanai. O lana fuafuaga lena ina ia toe faaleleia o tatou olaga!

O LE ASIASIGA

“UA OU TOE SAU FOI
SIMI E TA'U ATU,
LE FIAFIA TELE UA
LAGONA I LO'U FATU,
TALU ONA E MAUA LENEI
MASANIGA MA A'U.
O AU AGASALA UA OU
FAAMAGALO,
OU TE FIAFIA TELE E FIA
FAALOGO I AU TATALO,
OU TE MAFAUFAU MAI,
E LAGONA OU MANA'O;
O LE MEA LEA SIMI, O
IESU LENEI,
I LA'U ASIASIGA MASANI
O LE ASO”

O OE O IESU?

O nai tausaga talu ai na tapena ai nisi alii faipisinisi e malaga mo se fonotaga e faia i Sikako. Ua faamavae ma o latou aiga ma le folafolaga e toe vave foi mai mo le faaiuga o le vaiaso. Ua oo i le malae vaalele ua siaki a latou uta ma pepa malaga, ae maise o atopa'u e ta'ita'i i lima. O lo latou vevesi tele ina ua vala'au mai le

pasese, sa lāvea ai le tasi o i latou i se laulau sa faatau ai ni 'apu. Ua salalau ma taapeape solo 'apu i le vaega lea o le malae vaalele. E le'i faatali pe taofia ai le aufaipisinisi a o agai televave atu i le vaalele ne'i o latou misia.

Sei vaganā le toatasi o i latou. Na tu leni alii ma vaai atu i le salalau o 'apu, ona ia iloilo lea ma manatunatu ifo pe se a le mea e ao ina fai? Ae maise ina ua ia iloa atu se teine itiiti o tau faaputupu mai 'apu o ta'ape'ape solo, o ia lea e ana le laulau 'apu faatau. Ua fai atu le alii i ana uo e muamua atu i latou, ua faatofā ma faamanuia le malaga, e mulimuli atu o ia i se isi vaa. Ona ia toe foi ane lea i le mea o salalau ai 'apu ma le teine itiiti.

Ua te'i le alii faipisinisi ina ua iloa talofa e, o si teine itiiti e 16 tausaga e tauaso! O loo tagi masūsū ma tau solo'i ona loimata, a o ia tau autago solo e faaputupu mai ana 'apu. E leai ma se isi tagata o kea pe ano ane e fesoasoani i ai. Ua faatū ifo i lalo le alii i tafatafa o si teineitiiti e faaputu mai 'apu, ma ia iloa ai le tele o 'apu ua afaina ma manu'anu'a. Na ia faaputu ese o 'apu ua leaga i se isi ato.

Mulimuli ane ona ia tatala lea o lana atotupe ma fai atu i le teine, *"Ia lea, o le \$40 lea mo 'apu ia ua leaga talu ai i matou. Ia malie foi lou loto i le mea ua tupu, ma ia manuia tele taimi o totoe o lou aso."* Ona alu ese lea o le alii faipisinisi e vaai se vaa e alu ai. Ua faateia le teine faatau 'apu i le mea ua faia e le alii agalelei, ona ia valaau atu lea i le faipisinisi, "Alii e," Ua tu le alii ma faasaga atu i tua ma vaavaai atu i ona mata tauaso, a o toe faapea mai le tamaitai, *"O oe o Iesu?"* (fa'auma itulau 11)

“E LE NA O MEA’AI...AE NA O AFIOGA”

“E leai so matou malosi e tete’e i lenei vao tagata e toatele, ua o mai e tau ma i matou;”
2 Nofo.20:12

O le fesoasoani mai o le Atua na manumalo ai le tupu o Iosefatu i itutaua, e lē na o le tasi ae tolu vaega’au! Ma o le manumalo o Iosefatu e mafai ona a’oa’oina mai ai i tatou pe faapefea ona tatou gafatia ma manumalo i taua o lenei olaga. **Muamua, ia iloa lelei poo ai le fili.** O le toatele o i tatou e lē manino lelei i le fili poo ai a o le a foi. Tatou te manatu o le tagata o loo mana’o e faoa lo tatou tulaga, la tatou galuega, la tatou paaga poo a tatou tupe. Peitai o le tele o taimi o le fili, o tatou lava manatu. E lē ina ua tula’i mai le faafitauli tatou te toilalo ai, ae o la tatou tali atu i ai.

Ae e te le’i manumalo i le laasaga muamua, e ao ona e malamalama ma iloa lelei le fili. Silasila i le gaioiga a Iosefatu ina ua ia faalogo “*o loo o mai le vao tagata e matuā toatele e tau ma oe*”. Sa ia mata’u (2 Nofo.20:2-3). O se lagona masani faaletagata. E vaaia loa se faafitauli ogaoga, oso loa le fefe, atuatuvaale ma popole pe se a le mea o le a tupu ia i tatou. O le mea moni o le fefe poo le mata’u e lē o se mea e matuā leaga pe afaina tele, vaganā ua sesē le auala tatou te talia ai ma fa’aaogā i ai. E mafai ona tatou fa’aaogā lea lagona, e faaosofia ai i tatou e maumautai le faafitauli ma tosina ai i tatou e latalata i le Atua.

Ona o lo tatou loto vaivai, siilima, oso i le ita, ma fesilisili, *Aiseā ua tupu ai lenei mea ia te a’u le Atua e?* o taimi ia e faatoilalo ai i tatou e le fefe. Afai o loo e feagai nei ma ni faafitauli o loo faatumulia ai oe i le fefe, popole ma atuatuvaale, e pei o faama’i oti e pipisi, o afā ma loulouā, ia manatua lenei mea, e lē tali le Atua i le *mana’oga*; ae tali le Atua i le *faatuatua*. O le mea lea ia tuu lou faatuatua i luga o ana afioga lē maluelue ma tumau i lana folafolaga: “*Aua e te fefe, auā ou te ia te oe; ‘aua le fetepatepa’i, auā o a’u o lou Atua; ou te faamalosi oe; e moni, ou te fesoasoani ia te oe; e moni, ou te taofia oe i lo’u lima taumatau e i ai le amiotonu.*” Isa.41:10. O le faatuatua e lē maluelue ma le talitonu maumaututū i le Afioga a le Atua, e aumaia Lana fesoasoani.....

“Ua matou lē iloa foi se mea e fai; a ua faasaga atu i matou ia te oe.” 2 Nofo.20:12

E a’oa’o mai metotia a Iosefatu mo i tatou, ina ia tatou mafai ona manumalo atu i osofa’iga a le lalolagi. **O lona lua, ia ta’utino lou faatauva.** E na o le pau ituaiga tagata e lē mafai ona fesoasoani i ai le Atua, o i latou ia e lē manatu e mana’omia lana fesoasoani. Fai mai le tupu o Iosefatu, “*Auā e leai so matou malosi e tete’e i lenei vao tagata e toatele, ua o mai e tau ma i matou; ua matou lē iloa foi se mea e fai; a ua faasaga atu i matou ia te oe.*”

O le tele o taimi e mua ona faasaga o tatou mata i isi tagata ma isi mea, ae galo pe mulimuli lava faasaga i le Atua le to’atasi e mafai ona fofōina faafitauli. O ou laasaga uma e pei o se faamalū: afai e te pito i luga, e te maua se malologa filemu, ae afai e te pito i lalo, e te mole tau lē mānava, auā o loo ia taotaomia oe i lona mamafa. Taula’i ou mata ma lau vaai i le Alii ona e manumalo lea i faafitauli e siosi’omia oe. Manatua, “*E lē o le fitafita, e lē o le malosi, a o lo’u Agaga, ua fetalai mai ai le Alii o ‘au.*” Saka.4:6. E lē mafai ona e ola i se soifuaga faaKerisiano na o oe, auā e ‘uti’uti ma uma lou malosi. E te mana’omia le malosi e maua mai ina ua ola le Agaga o le Atua i totonu ia te oe. Mafaufau i le aogā o le totigilima, ma faatusa i ai lou tagata. Pe afai e taatia fua, e galemulemu e leai se malosi. Ae a faamaulu loa ma faatumulia e le lima, ona faato’a gaiou lea ma aogā o ia. Faamaulu mai le Agaga i totonu.

Ua fetalai Iesu, “*O le a maua e outou le mana, pe a afiō ifo le Agaga Paia i luga ia te outou.*” Galu.1:8. E masani ona fetalai Iesu faasino i le Agaga Paia, o le *Fesoasoani*. O lea afai e te lē mautonu ma lē iloa le mea e fai, tau ina e talitonu ma tutumau i lana folafolaga: “*A o le Fesoasoani, o le Agaga Paia lea, e auina mai e le Tamā i lo’u igoa, o ia lava na te a’oa’o ia te outou i mea uma lava; e faamanatu mai foi o ia ia te outou i mea uma ua ou fai atu ai ia te outou.*” Ioa.14:26.

Pe afai e te tau le taua i lou lava malosi, e te toilalo. Ae afai e te faamoemoe, faatalitali, faalagolago ma fa’aaogā le malosi o le Agaga Paia o loo i totonu ia te oe, e lē masalomia lou manumalo e pei o Iosefatu ma le toatele o isi ‘au faatuatua.

“E LE NA O MEA’AI...AE NA O AFIGA”

“Ona mata ’u ai lea o Iosefatu, ua ia faamalosi ai e sailiili i le Alii.” 2 Nofo.20:3.

O lona tolu o auala faa-Iosefatu e manumalo ai, o le **lafoa’i o ou faafitauli i le Alii**. A o i ai o ia i le ogatotonu o ona puapuaga, sa saili Iosefatu i lona Alii ma ua tala’iina e ia le anapogi ia Iuta uma. O le tatalo ma le anapogi e tele lava ina fai ma toomaga mulimuli e saili i ai le tagata puapuagatia. E mafua lea i lo tatou taumafai e fofō faafitauli i a tatou lava auala ma metotia. O se tasi tiakono na fai atu i lana faifeau, “Lau susuga i le faafeagaiga, e i ai le faafitauli ua tulai mai i la tatou galuega; ua fiu e taumafai ae ua uma auala e lē maua se tali.” Sa fai atu le faifeau, “Oi sole, lona uiga na o le pau le mea o totoe e fai i ai o le tatalo.” Na toe tali atu ai le tiakono, “Lau susuga, ua manaomia lena tulaga i le taimi nei?”

Pe afai e fetai ai ma faafitauli o le olaga, **o le tatalo** e tatau ona avea ma uluai metotia, ae lē o le mulimuli! O nisi taimi pe afai e lē te’a ese le faafitauli i le tatalo, ona taitai lea o oe e le Atua i le isi laasaga – **o le anapogi**. O le anapogi e lē o se mea faamisiterio, o le auala faa Tusi Paia; o le metotia e faasino ma fa’aatū i le *taula’i faamamafa!* (focus, concentration). O le faatinoga o lou faapea atu, “Le Alii e, ou te lē mafaia ona malo i lena faafitauli aunoa ma oe. O lea o le a ou liliu ese mai le fiafia e matamata TV, o upega tafailagi i Tusi Foliga ma fesootaiga televavave, ae o le a faaalu le tele o o’u taimi e saili atu ai ia te oe ma ou foliga.”

O le tagata o nuu ese o Konelio na tatalo ma anapogi mo aso e 4, a o fesili i le Atua e faasino atu le mea e fai. O le tali, na auina atu e le Atua o Peteru i lona fale e folafola i ai le Tala Lelei i nuu ese; ua tatou iloa o iina na suia ai le faasologa o le tala faasolopito o le lalolagi (Gal. 10). Na saili poo ai e tatau ona avea ma ta’ita’i, ona faasaga ane foi lea o le Uluai Ekalesia ua latou tatalo ma anapogi ma saili i le Atua mo le faasinoga ma le taitaiga. O le tali e pei ona tatou iloa, na tulai mai ai se tasi o uluai ‘au tala’i faaevagelia e sili ona malosi i le lalolagi, o Paulo ma Panapa (Gal. 13:2-3).

Na molimau ma tautino e se tasi o taitai o le EFKS, a o faagasolo fuafuaga ma faatino le taotoga o lona gasegase ogaoga o le kanesa, o le auala aupito malosi lea ua faamaonia sa fesoasoani i le vavega ua toe faamaloloina ai lona gasegase – o le tatalo

ma le anapogi. E oo lava foi i le alii fomai na faatinoina le taotoga, sa ia u’u lona lima ma faapea ane, “O le a ou taumafai e fai le mea e gata ai lo’u iloa; peitai e lē lava lea, e mana’omia le fesoasoani a le Foma’i Sili.” Ona fai muamua lea o la latou tatalo, fai ai loa le ta’otoga. Pe afai e moni lou faasaga e tatalo ma anapogi mo lou faafitauli, e faasino mai e le Atua le togafitiga ma le tali e faamaoni.

.....
“E lē o lo outou taua lena, a o lo le Atua.” 2 Nofo.20:15e.

O lona fa, ia faamasani i le **mapu ma mālōlō filemū i la le faatuatua** (relax in faith). O le toatele o i tatou e matuā vaivai i le taumafaiga e tau le tele o taua i lo tatou lava malosi, a o taua a le Atua. O le avea o i tatou ma auauna a Keriso, ina ua fai ma tagata Ekalesia, o se tiakono, a’oa’o, poo le faifeau/faletua, e faaosofia i tatou i le osoosoga o lo tatou fia fai se mea lelei mo Keriso. Ua tatou naunau e liliu mai le lalolagi ia Keriso, ma mana’o e faatuina lona malo i sa tatou taumafaiga, ae tatou te lē iloa le tele o le lavelave e aafia ai.

Mulimuli ane ua tino mai le leai o se mea; ua toe totolo i tulivae ma tulilima, ua faanoanoa i le manatu ua tatou tuuina i lalo le Atua e ala i lo tatou toilalo. Peitai na te faalototele mai i tatou, “Tou te lei tuuina a’u i lalo, auā tou te le’i taofia a’u i luga.” O le upu moni, e lē o tatou e taofia le Atua, ae o le Atua na te taofia i tatou! E lē o tatou e ‘u’u ia te Ia i o tatou lima, ae o Ia e sapaia i tatou i ona aao. Ma o loo fetalai mai o Ia, ina ia tatou mālōlō fifilemu faalefaatuatua, ae tuu atu ia te ia na te faia le galuega e ala atu ia i tatou. Fai mai le aposetolo o Paulo, “*Faapei ona outou talia o le Alii Keriso Iesu, ia savavali ai outou o ia te ia.*” Kolo.2:6.

A toe faaupu ona faapea lea, ia manatua le ulua’i taimi na e talia ai Keriso – na o le faatuatua i le galuega ua mae’a a Keriso – ma fa’aaau ai ona ola i le na o le faatuatua. E te lei avea ma Kerisiano i sou taumafai malosi e lelei atoatoa ma fai galuega lelei – e leai ma se sao o galuega lelei na fai i lou faaolataga! O le faaolataga o le meaalofoa foaifua mai lona alofa tunoa. E lē manao le Atua tatou te pulea ma faatonutonu le faagasologa o le olaga; o loo ia faatautaia lelei mea uma i lana faatofalaiga

A Page for Youth
**ITULAU MO TUPULAGA
TALAVOU**

FAATOILALO LOU TOILALO

(LUKA 5: 4 – 7)

Tatou uma lava e tofua ma vaivaiga. O mea e toilalo ai i le olaga. Peitai e tatau lava ona iai se taiala e faatonutonu ai. Ao le vaivaiga sili lava e toilalo so'o ai, o le manatu faafiapoto poo le taofi o ia ua iloa le mea e tau ona faia, ma le taofi e pule lava le tagata ia te ia lava. "Ina ua fetalai atu Iesu ia Peteru, tuutuu atu ia i le loloto, ma tuu ifo ai o outou upega e maua ai ni ia." Ua tali mai Simona ia te ia. "**Le Alii e, ua alu le po atoa ua tigaina ai i matou e leai ni mea ua maua a ona o lau fetalaiiga ou te tuu ifo ai le upega.**" Ua uma ona latou faia o lea mea ona latou siomia lea o le au i'a tele lava, ua masae ai o latou upega. E lelei lava pe a usita'i Simona i le Alii ma tuu ifo le upega, ae sei toe

faailoa atu lava ia Iesu lo latou tigaina i le po atoa ae leai se mea.

Ua masani Simona i le tuloto o Kalilaia e fagota ai i le taimi ma le tau, ae ua alu le po atoa e leai se mea. Le mafai e lona poto ma lona atamai ona maua ni i'a, ae ana le usita'i i le fetalaiiga a le Alii, e le maua se mea. **Ana le faatoilaloina e Simona Peteru lona poto masani ma le iloa e fagota i le tuloto o Kalilaia,** na te le iloa vavega o le alofa tunoa o le Atua, o lo tatou usita'i ia Iesu e faatoilaloina ai mea o tatou toilalo ai i le olaga.

O oe o le a se mea o e toilalo ai? E te iloa lava e oe ae ou te le faailoa atu Ata faigofie o nisi toilalo

i le (1) **ulaula tapa'a**, tiga lava ona iloa e ma'i ai ae fai pea lava, ua ave ma ona toalua lona lua. Ua pule ai le sikaleti i ona laugutu ma lona loto.

(2) **O le inu pia**, tiga lava ona tutupu ai faaletonu i isi, ma faalavelave matuia ae fiafia pea isi e fai. Ua le pulea le mafaufau pe a oo ina ova le onā, tele ai foi faalavelave i totonu o aiga ma luga o le ala tele, afaina ai le ola o nisi talavou.

Tupulaga e, mafaufau mo sou lumanai manuia ma lelei. Faatoilalo lou toilalo le mea o faaleagaina lou lelei ma lou malosia i lou olaga talavou. Ia e ususita'i ia Iesu ma lona alofa tunoa faaalila mo oe i le ola o e iai nei. Fai nei lau faaiuga i le mea e te lelei ai. Ia maua oe i le loto maualalo ma onosai i mea e tiga ai.

Saunia:

Solomona Tuatagaloa (FT)

Faifeau Toeaina Penisione Malolo



E LE NA O MEA'AI...

mamana. O lona finagalo, ia tatou ola filemu i le faatuatua, ae lafo atu ia te Ia e soifua ma galue ia i tatou. O le manumalo i le olaga, o le mea alofa mai le Atua! "**Ua faafetai i le Atua, o le ua matou manumalo ai pea lava ona o Keriso...**" 2 Kori.2:14. E le o tatou e manumalo, Peitai e mafai ona o Iesu....

"Tutū ia outou, ma ia outou tumau, ma outou vaai atu i le olataga mai le Alii..." 2 Nofo.20:17.

Se a le uiga o lena faiga **lona lima** o le *Tu, tutū ma tutumau* a o vevesi le taua? O lona uiga o se lagona faalemafaufau ua to'a ma ua mafanafana ma peiseai o loo fai mai, O le a ou talitonu i le Atua. Na tusia e le alii faifeau tusitala o Rick Warren: "O le mea lena ua

faasolosolo malie ona ou aoaoina; e lē o le finagalo o le Atua ia ou sola ese mai se tulaga faigata. Afai ou te sola, e tuliloa ma maua atu a'u e lea tulaga faigata i le ala. Atonu e ese ona foliga, ae o le faafitauli lava e tasi. Aisea? Auā e finagalo le Atua e aoaoina au ia ou iloa, e lava ma totoe o Ia mo soo se faalavelave/faafitauli. Afai tatou te lē aoaoina lena mea i le vaiaso nei, mata o le a tatou aoaoina i le vaiaso o muamua. Afai

E LE NA O MEA'AI...

e leai, atonu o le vaiaso i luma atu poo lena foi tausaga. Ae i'u lava ina tatou maumautai – o le vave, o le sili atu foi lena ona lelei. E laveaiina le tele o faigata pe afai tatou te tutū maumaututū ma faatali i le Atua i le mafanafana mautinoa e toafilemu (by standing firm and waiting on God in quiet confidence).”

“Ina faatuatua ia i le Alii lo outou Atua, ona faatumauina lea o outou; ia outou faatuatua i ana perofeta, ona outou manuia ai lea.” 2 Nofo.20:20. O mea e 2 tatou te tutū ma tutumau ai: Muamua, e manaomia lo tatou tutumau i le faamaoni o le Atua – e faamaoni o Ia e lē fesuisui ai pe liliu. Lona lua, e manaomia lo tatou tutumau i le moni o ana afioga ua tuuina mai e ala i ana perofeta. O le Tusi Paia le Afioga a le Atua, ia tatou faalagolago i ai i le mautinoa ma talitonu i ana folafolaga tusia e lē masuia.

.....

“Ona tofia lea e ia o e pepese i le Alii.” 2 Nofo.20:21.

Ma **lona ono**, ia muamua ona faafetai i le Atua (thank God in advance). E foliga mālīe le vaaiga i le taua pe a vaai i ai faalemafaua i lona gasologa i le vao o Tikoā. I luga o le tasi tumutumu mauga o sauni mai ai itutaua a Amoni, Moapi ma nisi o sa Amonī mai Suria. I le isi mauga faafesagai o i ai Iosefatu ma le itutaua a Iuta. Ua feei ma alalaga tagata faatasi ma leo o solofanua, o le paō o auupega ma le taalili o pū ma tagipalau. Ona fai atu lea o Iosefatu i lana itutaua, “Faalogo mai, o le fuafuaga lena a le Atua mo le osofaiga. O i latou uma o sui auai e pepese i le

aufaipese, o outou ia ua manaomia e muamua i le laina pito i luma.”

Ona savavali lea o le itutaua e tau le taua, e muamua atu ai i luma le aufaipese o loo pepese ma fai viiga o le Atua. E foliga mālīe ma valea i le tele o taitaiua lena fuafuaga. Peitai na manuia ma manumalo le fuafuaga a le Atua. Sa fememeai ma lē mautonu ituau a le fili, ma latou toe fasi e le tasi o le isi – na o le pau le mea na fai e tagata o le nuu o le Atua o lo latou ave o le vete mo i latou! Aisea na fai ai faapea e le Atua lena fuafuaga? O se a'oa'oga mo i tatou ia iloa ona vivii ma faafetai ia te Ia a o lei tupu le manumalo, ae lei faaeaina. Pe afai e te tatalo faapea, ‘Le Alii e, ou te iloa e i ai o’u faafitauli, ae muamua lava ona ou faafetai i lau Afio, auā e leai se faafitauli e te lē mafaia, e 3 ni mea e tutupu pe suia: Muamua, e suia ou lagona. E te lē toe fefe pe palaai auā ua e talitonu mausalī i le faatasi mai o le Atua. Lua, e suia lau amio. Ua amata ona e faapea atu, ‘Le Alii e, atonu e malosī ma telē lena faafitauli mo au, ae ua ou mautinoa ua na o sina mea itiiti lea mo Oe.’

Tolu, e suia au auala. Ua e lē toe tautala i upu o le masalosalo, ae o le gagana o le faatuatua. Ma ona o lou faatuatua e faaaloogia ai le Atua, e faapea foi ona faaaloogia lou faatuatua e le Atua, ma amata ai ona liliu mai ia te oe le manumalo mai ou faafitauli.

Ia manatua foi, ia ‘aua nei faafetaia le Atua mo na o sina taimi puupuu ma toe tuu ina ua toe sologa lelei le soifuaga. Ia faaauau ma faifai pea ma ave ma anavatau o le olaga atoa, le fai o viiga o le Atua. F.S.



O OE O IESU? (mai itu.7)

E maniti tino ma tau puni le mānava, i lagona na taia ai lena alii i le taimi i le fesili a le teineitiiti tauaso. Ona ia toe la'ala'a lemu lea agai i le itu e i ai le vaa, e faaauau ai lana malaga, ma le fesili o loo ua mū nei totonu o lona loto: **O oe o Iesu?** “Ia savavali i le alofa, faapei o Keriso foi na ia alofa mai ia i tatou...o le taulaga ma le togiola i le Atua o le mea manogi lea.” (Efeso 5:2)

TOFO E ILOA AI

O le tasi alii e lē talitonu i le Atua, Fai lana tautalaga e faamaonia; Sii mai mau a tagata ta'uta'ua, Ma le poto salemausau filosofia. Faaleaoga le Tala Lelei ia Iesu E leai se Atua, leai se Toetu.

Sa faalogologo ai o le tamaloa, O 'ai lana 'apu ma ia maitau; Uma le tautalaga tatala avanoa, Se fesili fia malamalama i le mau Le tamaloa tula'i malie i luga, Lana 'apu lena o tau faa'uma.

Lau susuga, e faigofie la'u fesili, Pe mafai ona e ta'u maia le tofo, E suamalie pe fai sina oona teisi O le apu lea e ai faasolosolo? Le tagata ua fiafia e faigofie, “Ou te le iloa, ou t e le'i tofo i ai pe oona pe suamalie”

Tali le tamaloa, o ia le Kerisiano E faapena foi lou le silafia, Ona e te le'i tofo, e te le'i tago, I le moni o la'u Iesu le Mesia. Mana'omia lou tula'i e molimau Pe a finau le 'autau e faapaupau.

“Ina tofo ia outou, ma ia outou iloa e lelei le Alii; (Taste, and see that the Lord is good;) Sal.34:8.

RIPOTI MAI LE OFISA O A'OGA A LE EKALEZIA

AOGA KOLISI MAUALULUGA A LE EFKS – IUGA O LE SUEGA SAMOA SECONDARY LEAVING CERTIFICATE 2019 A LE VASEGA 13:

E lima (5) Kolisi maualuluga a le tatou Ekalesia. O le Kolisi o Tuasivi, Kolisi o Maluafou, Kolisi o Leulumoega Fou, Kolisi o Teine Papauta ma le Kolisi o Nuuausala.

O le tausaga na te'a nei na aafia ai suega o le Samoa School Certificate (SSC) a le Vasega 12 ma le Samoa Secondary Leaving Certificate a le Vasega 13 ona o le to'atuga o aafiaga o le faama'i Misela sa maimau ai le toatele o le soifua o alo ma fanau a si o tatou atunuu. Sa taofia le faaauau pea o nei suega i lea vaiata o le faama'i misela ae le'i maea ona su'e uma mataupu. Ina ua toe aveese le sa'a le Malo faatatau i le Misela i le amataga o Ianuari 2020, sa aumai loa le faailoa a le Matagaluga o Aoga Taaloga ma Aganuu, e na o le Suega o le SSLC a le Vasega 13 e toe faaauau ma faamae'a i le amataga lava o Ianuari 2020. Peitai o le Suega o le SSC a le Vasega 12, e le gafatia ona toe faaauau ma faamae'a, ae o le a tatala le avanoa e faaauau ai pea fanau aoga sa i le Vasega 12 i luga i le Vasega 13.

O se iloiloga o Iuga o le Suega o le SSLC a le Vasega 13 i Aoga uma a le tatou Ekalesia sa maitauina ai tulaga nei pei ona faailoa atu i lalo:

1. Pe a faavasega maka e pasi ai pei ona aiaia e le Iunivesite Aoa o Samoa: ia 200 i le 400 maka mo le Mataupu Igilisi + Mataupu Aupito Maualuluga e 3, o le iuga lenei o le Suega o le SSLC 2019 a le Vasega 13 mai a tatou Kolisi Maualuluga e lima:

- i. Kolisi o Tuasivi: 20 sa pasi mai le 32 sa su'e. E **62.5%** le au pasi.
- ii. Kolisi o Maluafou: 53 sa pasi mai le 86 sa su'e. E **61.7%** le au pasi.
- iii. Kolisi o Leulumoega Fou: 20 sa pasi mai le 33 sa su'e. E **60.6%** le au pasi.
- iv. Kolisi o Teine Papauta: 4 sa pasi mai le 9 sa su'e. E **44.4%** le au pasi.
- v. Kolisi o Nuuausala: 11 le au pasi mai le 37 sa su'e. E **29.7%** le au pasi.

2. Pe a faavasega le tulaga lelei o maka sa ausia e fanau aoga i le SSLC 2019 mai a tatou kolisi maualuluga e lima:

- i. E 11.1% (12/108) le aofa'i o fanau aoga sa ausia maka e 300 – 336. Toatasi le alii, o le Social Science lana polokalame mai le Kolisi o Tuasivi sa maua le maka aupito maualuga e 336 i le tuufaatasiga o Aoga uma a le Ekalesia. Ae to'asefulutasi mai le Kolisi o Maluafou sa maua maka e 300 – 324.
- ii. E 31.5% (34/108) le aofa'i o fanau aoga sa ausia maka e 252 – 299.
- iii. E 16.7% (18/108) le aofa'i o fanau aoga sa ausia maka e 230 – 249.
- iv. E 40.7% (44/108) le aofa'i o fanau aoga sa ausia maka e 200 – 229.
- v. O le maka 324 aupito maualuga, maua e se tamaitai o le Saienisi lana polokalame mai le Kolisi o Maluafou e tulaga lua i le tuufaatasiga o Aoga a le Ekalesia.
- vi. O le maka 293 aupito maualuga, maua e se tamaitai, o le Social Science lana polokalame mai le Kolisi o Leulumoega Fou e tulaga 15 i le tuufaatasiga o Aoga a le Ekalesia.
- vii. O le maka 280 aupito maualuga, maua e se tamaitai o le Social Science lana polokalame mai le Kolisi o Nuuausala e tulaga 24 i le tuufaatasiga o Aoga a le Ekalesia.
- viii. O le maka 279 aupito maualuga mai le Kolisi o Papauta i le polokalame o le Social Science e tulaga 25 i le tuufaatasiga o Aoga a le Ekalesia.

3. O le lagona o le faagaetia i luma o le Atua, ona sa maua mai foi nisi o ripoti ma nusipepa faasalalau i Samoa, o le maka aupito maualuga e 97% sa maua e le alii o Cisco Pesamino mai le Kolisi o Tuasivi, i le mataupu o le Gagana Peretania (English) i le Suega o le SSLC 2019.

4. Sa molimauna mai foi i le Iuga o le SSLC 2019 ua mafai ona ausia se maka maualuga 91% mai le mataupu saienisi o le Biology e le tamaitai o Christianna Lui mai le Kolisi o Maluafou. E taua lea laasaga ona o le saienisi ma le matematika o nisi nei o mataupu o loo ave iai le faamuamua a le Vaega o Aoaoga i Samoa nei ia taoto i se tulaga lelei.

5. O le siata o faailoa atu i lalo o loo auilili atu ai le Iuga o le Suega o le SSLC 2019 mai kolisi maualuluga e lima a le EFKS, ae na o i latou sa ausia le faavasegaina o maka e 200 – 400 mai le mataupu Igilisi + mataupu aupito lelei e tolu:

Faafetai tele mo le tapuaiga a le tatou Ekalesia i Samoa ma atunuu mamao

Saunia: Rosita Esera

Faatonusili A'oga EFKS

**CCCS COLLEGES SSLC RESULTS 2019 – OVERALL RANKING AGGREGATE
BENCHMARK 200 - 400**

**TSC = Tuasivi College; MFC = Maluafo College; LFC = Leulumoega Fou College; PGC =
Papauta Girls College; NSC = Nuuausala College**

**Level Range / Beginner: less than 50% / Achieved: 50 – 69% / Merit: 70 – 84% / Excellence:
85 – 100% / (%) EA + IA / 140 x 100**

1 Cisco PESAMINO (M)
SCHOOL - Tuasivi College
AGGREGATE SCORE (ENG + BEST 3
SUBJECTS) - 336
English(Excellence 87%)
Samoan(Excellence 86%)
Maths(Achieved 68%)
Geography(Merit 77%)
History(Merit 76%)
Computer Std (Merit 74%)
Programme - Social Science

2 Lenetty SOLOMONA (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 324
English(Merit 81%)
Samoan (Merit 80%)
Maths(Merit 79%)
Biology(Merit 84%)
Chemistry(Merit 73%)
Computer Std(Merit 79%)
Programme - Science

3. Ella LEITUPO (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 315
.English(Merit 79%)
Samoan (Merit 77%)
Maths(Merit 44%)
Geography (Excellence 85%)
History(Achieved 63%)
Computer Std(Merit 74%)
Programme - Social Science

4 Christina SANI (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 314
English(Merit 72%)
Samoan (Merit 77%)
Maths(Achieved 59%)
Biology(Merit 84%)
Chemistry(Achieved 64%)
Computer Std(Merit 81%)
Programme - Science

5 Julia LIULAGI (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 311
English(Merit 76%)
Samoan (Excellence 89%)
Maths(Merit 70%)
ACCOUNTING(Achieved 69%)
Economics(Merit 76%)
Computer Std(Achieved 69%)
Programme - Commerce

6 Melisha TOETU (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 310
English(Merit 74%)
Samoan (Merit 84%)
Maths(Achieved 64%)
ACCOUNTING(Merit 79%)
Economics(Merit 71%)
Computer Std(Merit 73%)
Programme - Commerce

7 Dorothy LOTU SEUMANUTAF(A)(F)
SCHOOL - Maluafo College
AGGREGATE SCORE (ENG + BEST 3
SUBJECTS) - 309
English(Merit 84%)
Samoan (Merit 84%)
Geography(Merit 75%)
History(Achieved 66%)
Computer Std(Achieved 66%)
Programme - Social Science

8 Angela FAAUPEGA (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 305
English(Merit 74%)
Samoan (Merit 83%)
Maths(Beginner 49%)
Geography(Merit 76%)
History(Merit 70%)
Computer Std(Merit 72%)
Programme - Social Science

9 Christianna LUI (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 304
English(Achieved 66%)
Samoan(Merit 71%)
Maths(Achieved 58%)
Biology(Excellence 91%)
Chemistry(Merit 75%)
Computer Std(Merit 74%)
Programme - Science

10 Lina LANCELOT (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 302
English(Merit 77%)
Samoan (Merit 80%)
Maths(Achieved 59%)
ACCOUNTING(Achieved 65%)
Economics(Merit 76%)
Computer Std(Achieved 69%)
Programme - Commerce

11 Taufagalupe KAISARA(F)
SCHOOL - Maluafo College
AGGREGATE SCORE (ENG + BEST 3
SUBJECTS) 302
English(Merit 74%)
Samoan (Merit 78%)
Maths(Beginner 46%)
Biology(Merit 76%)
Chemistry(Achieved 54%)
Computer Std(Merit 74%)
Programme - Science

12 Laauoleolaimalua SAO (M)
SCHOOL - Maluafo College
AGGREGATE SCORE (ENG + BEST 3
SUBJECTS) - 300
English(Merit 71%)
Samoan (Merit 84%)
Maths(Achieved 51%)
Biology(Merit 75%)
Chemistry(Achieved 60%)
Computer Std(Merit 70%)
Programme - Science

13 Vaitagutu IUTA ()
SCHOOL - Tuasivi College
AGGREGATE SCORE (ENG + BEST 3
SUBJECTS) - 295
English(Merit 82%)
Samoan (Merit 80%)
Maths(Beginner 46%)
ACCOUNTING(Achieved 66%)
Economics(Achieved 61%)
Computer Std(Achieved 67%)
Programme - Commerce

14 Epifania Levao (F)
SCHOOL - Maluafo College
AGGREGATE SCORE (ENG + BEST 3
SUBJECTS) - 294
English(Merit 75%)
Samoan (Merit 75%)
Maths(Beginner 49%)
Biology(Achieved 69%)
Chemistry(Achieved 63%)
Computer Std(Merit 75%)
Programme - Science

15 Helani TELEA SIMI (F)
SCHOOL - Leulumoega fou College
AGGREGATE SCORE (ENG + BEST 3
SUBJECTS) - 293
English(Merit 80%)
Samoan (Merit 74%)
Geography(Beginner 41%)
History(Achieved 63%)
Visual Art(Merit 76%)
Programme - Social Science

RIPOTI MAI LE OFISA O AOGA A LE EKALEZIA

16 Tusiga ASOTASI
SCHOOL - Tuasivi College
AGGREGATE SCORE (ENG + BEST 3 SUBJECTS) - 286
English(Merit 81%)
Samoan (Excellence 90%)
Maths(Achieved 59%)
Biology(Achieved 56%)
Chemistry(Beginner 34%)
Physics(Achieved 54%)
Programme - Science

17 Iuomeasamoa EFARAIMA
SCHOOL - Tuasivi College
AGGREGATE SCORE (ENG + BEST 3 SUBJECTS) - 284
English(Merit 79%)
Samoan (Merit 82%)
ACCOUNTING(Achieved 56%)
Economics(Achieved 60%)
Computer Std(Achieved 63%)
Programme - Commerce

18 Kaleta KEILINI
SCHOOL - Tuasivi College
AGGREGATE SCORE (ENG + BEST 3 SUBJECTS) - 283
English(Merit 75%)
ACCOUNTING(Achieved 66%)
Economics(Merit 78%)
Computer Std(Achieved 61%)
Visual Art(Merit 64%)
Programme - Commerce/Technology

19 Stella MATAUAINA (F)
SCHOOL - Tuasivi College
AGGREGATE SCORE (ENG + BEST 3 SUBJECTS) - 283
English(Merit 83%)
Samoan(Excellence 85%)
Maths(Beginner 38%)
Geography(Achieved 54%)
History(Beginner 41%)
Computer Std(Achieved 61%)
Programme - Social Science

20 Ruta TAITO (F)
SCHOOL - Leulumoega fou College
AGGREGATE SCORE (ENG + BEST 3 SUBJECTS) - 281
English(Achieved 57%)
Samoan (Merit 76%)
Maths(Achieved 58%)
ACCOUNTING(Achieved 60%)
Economics(Merit 73%)
Computer Std(Merit 75%)
Programme - Commerce

21 Taiuiolealofa AKERIPA ()
SCHOOL - Leulumoega Fou College
AGGREGATE SCORE (ENG + BEST 3 SUBJECTS) - 281
English(Merit 71%),
Samoan (Merit 75%)
Geography(Achieved 53%)
History(Achieved 54%)
Visual Art(Merit 81%)
Programme - Social Science

22 Foliga TANUVASA
SCHOOL - Tuasivi College
AGGREGATE SCORE (ENG + BEST 3 SUBJECTS) - 280
English(Merit 77%)
Samoan (Merit 77%)
Maths(Achieved 67%)
Biology(Achieved 55%)
Physics(Beginner 48%)
Computer Std(Achieved 59%)
Programme - Science

23 Lesally SOLOMONA
SCHOOL - Maluafo College
AGGREGATE SCORE (ENG + BEST 3 SUBJECTS) - 280
English(Achieved 69%)
Samoan (Merit 79%)
Maths(Beginner 36%)
Biology(Achieved 69%)
Computer Std(Achieved 63%)
Programme - Science

24 Soofaatasi FELISE
SCHOOL - Nuuasala College
AGGREGATE SCORE (ENG + BEST 3 SUBJECTS) - 280
English(Achieved 54%)
Samoan (Merit 79%)
Geography(Beginner 41%)
History(Beginner 36%)
Computer Std(Achieved 64%)
Programme - Social Science

25 Diana TONE (F)
SCHOOL - Papauta Girls College
AGGREGATE SCORE (ENG + BEST 3 SUBJECTS) - 279
English(Achieved 61%)
Samoan (Merit 81%)
Maths(Beginner 41%)
Geography(Achieved 66%)
History(Merit 71%)
Computer Std(Achieved 62%)
Programme - Social Science

26 Sara TOLEAFOA (F)
SCHOOL - Maluafo College
AGGREGATE SCORE (ENG + BEST 3 SUBJECTS) - 278
English(Achieved 63%)
Samoan (Merit 81%)
Maths(Beginner 46%)
Geography(Merit 73%)
History(Achieved 54%)
Computer Std(Achieved 61%)
Programme - Social Science

27 Caleb FANUELI (M)
SCHOOL - Maluafo College
AGGREGATE SCORE (ENG + BEST 3 SUBJECTS) - 273
English(Merit 76%)
Samoan (Achieved 61%)
Geography(Merit 75%)
History(Achieved 54%)
Computer Std(Achieved 61%)
Programme - Social Science

28 Francis TOATASI ()
SCHOOL - Maluafo College
AGGREGATE SCORE (ENG + BEST 3 SUBJECTS) - 271
English(Achieved 66%)
Samoan (Achieved 68%)
Maths(Beginner 32%)
Geography(Achieved 64%)
History(Achieved 60%)
Computer Std(Merit 73%)
Programme - Social Science

29 George SIAOSI (M)
SCHOOL - Maluafo College
AGGREGATE SCORE (ENG + BEST 3 SUBJECTS) - 270
English(Achieved 56%)
Samoan (Merit 80%)
Maths(Beginner 20%)
Computer Std(Achieved 61%)
Visual Art(Merit 73%)
Programme - Technical/Vocational

30 Ianeta UELESE (F)
SCHOOL - Tuasivi College
AGGREGATE SCORE - 270
English(Achieved 66%)
Samoan(Excellence 89%)
Biology(Beginner 46%)
Chemistry(Beginner 28%) Food, Textile, Technology (Achieved 69%)
Programme - Science

31 Taliilagi COLLINS ()
SCHOOL - Nuuasala College
AGGREGATE SCORE (ENG + BEST 3 SUBJECTS) - 270
English(Merit 83%)
Maths(Achieved 57%)
ACCOUNTING(Achieved 59%)
Economics(Achieved 54%)
Computer Std(Merit 71%)
Programme - Commerce

32 Easter TUALAGI MATAUTIA (F)
SCHOOL - Maluafo College
AGGREGATE SCORE (ENG + BEST 3 SUBJECTS) - 269
English(Achieved 54%)
Samoan(Achieved 69%)
Maths(Beginner 23%)
Economics(Achieved 51%)
Computer Std(Achieved 61%) Food, Textile, technology(Excellence 85%)
Programme - Commerce /Technology

RIPOTI MAI LE OFISA O AOGA A LE

EKALESIA

33 Linolefagaoolii LEMANA
SCHOOL - Maluafofu College
AGGREGATE SCORE (ENG + BEST 3 SUBJECTS) - 268
English(Achieved 62%)
Samoan (Merit 75%)

Maths(Beginner 36%)
Computer Std(Achieved 60%) Food,
Textile, technology(Merit 71%)
Programme - Technical/Vocational

34 Tuleiga SUA
SCHOOL - Maluafofu College
AGGREGATE SCORE (ENG + BEST 3 SUBJECTS) - 267
English(Merit 71%)
Samoan (Beginner 26%)

Maths(Beginner 27%)
Biology(Merit 72%)
Chemistry(Achieved 55%)
Computer Std(Achieved 69%)
Programme - Science

35 Anzac SOLA (M)
SCHOOL - Maluafofu College
AGGREGATE SCORE (ENG + BEST 3 SUBJECTS) - 267
English(Merit 72%)
Samoan (Achieved 60%)

Maths(Beginner 38%)
Biology(Merit 71%)
Chemistry(Beginner 44%)
Computer Std(Achieved 64%)
Programme - Science

36 Karoline IUOGAFA (F)
SCHOOL - Tuasivi College
AGGREGATE SCORE (ENG + BEST 3 SUBJECTS) - 265
English(Achieved 60%)
Samoan (Excellence 91%)

Biology(Beginner 44%)
Chemistry(Beginner 26%)
Food, Textile, technology(Merit 70%)
Programme - Science

37 John Ethan TOGIAI KAKO(M)
SCHOOL - Maluafofu College
AGGREGATE SCORE (ENG + BEST 3 SUBJECTS) - 263
English(Merit 77%)
Samoan (Achieved 65%)

Geography(Achieved 66%)
History(Achieved 55%)
Computer Std(Beginner 46%)
Programme - Social Science

38 Tausala FILIMAUA (F)
SCHOOL - Maluafofu College
AGGREGATE SCORE (ENG + BEST 3 SUBJECTS) - 261
English(Achieved 51%)
Samoan (Merit 81%)

Maths(Beginner 47%)
ACCOUNTING(Achieved 54%)
Economics(Achieved 61%)
Computer Std(Achieved 68%)
Programme - Commerce

39 Hitila Lynn SIAITU
SCHOOL - Maluafofu College
AGGREGATE SCORE (ENG + BEST 3 SUBJECTS) - 260
English(Achieved 59%)
Samoan (Merit 81%)

Geography(Achieved 64%)
History(Achieved 56%)
Programme - Social Science

40 Maria Koreti NAFANUA (F)
SCHOOL - Leulumoega fou College
AGGREGATE SCORE (ENG + BEST 3 SUBJECTS) - 260
English(Achieved 59%)
Samoan (Merit 83%)

Maths(Beginner 40%)
Biology(Achieved 52%)
Chemistry(Beginner 31%)
Computer Std(Achieved 66%)
Programme - Science

41 Taufao ANETELEA (M)
SCHOOL - Leulumoega fou College
AGGREGATE SCORE (ENG + BEST 3 SUBJECTS) - 258
English(Achieved 66%)
Samoan (Merit 79%)

Geography(Beginner 39%)
History(Beginner 49%)
Computer Std(Achieved 64%)
Programme - Social Science

42 Utumoe SEMU
SCHOOL - Maluafofu College
AGGREGATE SCORE (ENG + BEST 3 SUBJECTS) - 257
English(Achieved 50%)
Samoan (Merit 75%)

Maths(Achieved 64%)
ACCOUNTING(Achieved 66%)
Economics(Achieved 66%)
Computer Std(Achieved 61%)
Programme - Commerce

43 Palagi TALAVOU
SCHOOL - Tuasivi College
AGGREGATE SCORE (ENG + BEST 3 SUBJECTS) - 256
English(Achieved 61%)
Samoan (Excellence 89%)

Biology(Achieved 55%)
Chemistry(Beginner 39%)
Physics(Achieved 51%)
Programme - Science

44 Theresa TOATOLU (F)
SCHOOL - Maluafofu College
AGGREGATE SCORE (ENG + BEST 3 SUBJECTS) - 254
English(Achieved 56%)
Samoan (Merit 79%)

Maths(Beginner 29%)
ACCOUNTING(Achieved 59%)
Economics(Achieved 51%)
Computer Std(Achieved 60%)
Programme - Commerce

45 Colette ENARI
SCHOOL - Maluafofu College
AGGREGATE SCORE (ENG + BEST 3 SUBJECTS) - 252
English(Achieved 64%)
Samoan (Merit 71%)

Maths(Beginner 48%)
ACCOUNTING(Achieved 58%)
Economics(Achieved 59%)
Computer Std(Achieved 55%)
Programme - Commerce

46 Utumataia AIONO
SCHOOL - Leulumoega fou College
AGGREGATE SCORE (ENG + BEST 3 SUBJECTS) - 252
English(Achieved 58%)
Samoan (Merit 75%)

Maths(Achieved 59%)
Biology(Achieved 59%)
History(Beginner 40%)
Computer Std(Beginner 44%)
Programme - Science

47 Amy MUIAIVA (F)
SCHOOL - Leulumoega fou College
AGGREGATE SCORE (ENG + BEST 3 SUBJECTS) - 249
English(Achieved 69%)
Samoan (Merit 73%)

Geography(Beginner 39%)
History(Achieved 58%)
Computer Std(Beginner 49%)
Programme - Social Science

48 David FRUEN(M)
SCHOOL - Maluafofu College
AGGREGATE SCORE (ENG + BEST 3 SUBJECTS) - 249
English(Achieved 66%)
Samoan (Achieved 60%)

Maths(Beginner 37%)
Biology(Achieved 64%)
Chemistry(Beginner 39%)
Computer Std(Achieved 59%)
Programme - Science
Faauau atu i le Sulu Samoa Mati 2020.
Saunia: Rosita Esera, Faatonu Sili Aoga
EFKS

O E UA FAI'ILAGI LE FOLAUGA



Susana O'Brien F. Maualaivao

10 Mati 1950 - 22 Iuni 2019

O le faletua o le Faifeau Toeaina Penisione. Na soifua mai, 10 Mati 1950, i le Kolisi Faafaifeau i Malua a o faiaoga ai ona matua – Rev Pouniu Iosia ma Eseta Iosia. Na vaetamaina e Rev. Nemaia Jack O'Brien ma Laitu O'Brien (faifeau Tuvalu) sa tausinuu i Vaitogi, Amerika Samoa. O iina na soifua a'e ai seia oo ina avea ma faiaoga i le A'oga Maualuga i Leone.

Ua malui nei i le aso 22 o Iuni 2019 i le falemai (Anaheim Regional Medical Centre i Los Angeles, Kalifonia, USA), i se gasegase faigata ina ua 69 tausaga o lona soifua.

Na mua'i faaipoipo i le faifeau o Apela Moananu ma galulue ai i Safaato'a Lefaga, i ni nai tausaga ona toe vala'auina lea i le Aulotu i Carson Kalifonia USA ma galulue ai seia malui le faifeau i le tausaga e 1994. O le tausaga 1999, na

faaipoipo ai i le Faifeau Toeaina o Faatauoloa Maualaivao o le Aulotu i Falefa, Pulega Anoama'a, ua malui foi lona to'alua.

O Susana o se tina e pele ia te ia le galuega a le Atua, o lea foi e le faatamala ai i ona tiute i lana aulotu, i lana Pulega, Matagaluega, Mafutaga a Tinā Aoao, Mafutaga Faletua Au Toeaina.

Pe ai ona o ia na soifua mai i matua faifeau, vaetama e matua faifeau, faaipoipo muamua ma le faifeau ma galulue faatausinuu, ae muliai toe faatasi ma le Faifeau Toeaina ma galulue tausinuu mo tausaga e luasefulu ma malolo penisione ai seia valaau mai lona Matai.

E tele tausaga sa faalavelaveina ai lona olaga galue i gasegase na a'afia ai, toetoe foi o tausaga uma e tatau lava ona vaai se fomai faapitoa i atunuu i fafo.

Sa avea ma teutupe o le Mafutaga Faletua o le Au Toeaina mai le 2009 se'ia oo ina penisione ia Me 2018.

Tesema 2017 na si'igasegase ai i Amerika, na toe foi mai ia Me 2018 mo le Penisione ma faamavae ma lana Aulotu e pele i lona agaga (EFKS Falefa).

Na toe fo'i i Amerika i le faai'uga o Iuni 2018 e faaaauu ona togafitiga se'ia oo ina i'u lona ola ia Iuni 22, 2019.

O lona ulua'i sauniga (Memorial Service) na faia i le Westminster Memorial Park Mortuary i Los Angeles, Kalifonia USA, i le aso 3 Iulai 2019 e faamavae ai i aiga ma uo aemaise le Matagaluega a Amerika, ma i latou e le mafai ona malaga mai i Samoa nei mo ona sauniga mulimuli.

Sa taitaia le Sauniga e le Susuga i le Toeaina o Andy Leavasa, tatalo le Susuga i le Toeaina Enoka

Alesana(UCC) a'o le Susuga i le Toeaina ia Makerusa Porotesano sa saunia le upu faamafamafana. O Pese o le sauniga na saunia e le Aufaipese EFKS – Vai ole Ola (Aufaipese Toeaina Andy Leavasa),

Na tu'uva'a mai lona tino malui i Samoa nei ma taunu'u i Faleolo i le itula 5pm Aso Sa 7 o Iulai ma faia ai lona ulua'i sauniga i Samoa nei.

Sa taitai lava ma lauga le susuga ia Faraimo Ti'iti'i o le EFKS i Utuali'i ae o talosaga na saunia e le susuga i le A'oa'o Malua o Francisco Fatu.

Sa auai foi le susuga i le Toeaina ia Isaako Viki ma le faletua ma le Pulega Malua i Sisifo, faapea aiga nalua o uō ma au mea mamae a Susana.

O le aso 11 Iulai 2019 na faia ai lona sauniga fa'ale-āiga i le maota o Lialiga & Sons Funeral Services. Sa taitaia e le Susuga i le Toeaina ia Siolo Tauati. Sa toatele foi le mamalu o le Ekalesia, aiga, uo ma au mea mamae aemaise le mafutaga a Tinā o le EFKS Falefa sa auai. Ona tofa ai lea o lona tino malui i lona aiga i Vaitele-uta.

O ona toe sauniga na faia i le 10am, 12 Iulai 2019, i lana aulotu i Utualii sa taitaia lava e le Pulega Malua i Sisifo. Sa taitai Susuga Toeaina Isaako Viki, Lauga Rev Timoteo, aó Talosaga o Rev Seti Seti.

Molimau – Faatauoloa Maualaivao (tamā), Christine Peko (afafine) Tauilili Kalavini Maualaivao (atalii), Aiono Nora Ioapo (uso), Ape Vaimapu O'Brien (tuagane), Susuga Samuelu Samuelu (Toeaina Anoama'a), Faletua Savaliga Gu Time (Sui Mafutaga Tinā Matagaluega Apia Sasa'e), Faletua Susana Tunumoso (Failautusi Mafutaga Faletua Au Toeaina) ae faaiu ai i la'u molimau. Ona Malaga atu ai lea mo ona toe sauniga i lona Oliolisaga Tumau i lona aiga i Vaitele-uta. O a'u lava sa ta'ita'i i ona toe sauniga ma matou faamavae atu ai ia te ia i le pese masani a le Ekalesia – Talofa uso e, tofaina oe. Manuia lau malaga Susana.

Saunia: Faraimo Tiitii (FS)
EFKS Utualii
Matagaluega Malua

